

आकाशवाणी

खबरां विकास शर्मा कोला।

1. रेल मंत्री अश्विनी वैष्णव होरें कल नमीं दिल्ली रेलवे स्टेशन दा दौरा लाइयै ध्यारें पर जात्तरिएं लेई कीती गेदी विशेष सुविधाएं ते बवस्थाएं दी समीक्षा कीती।
2. झारखंड असैम्बली चुनाएं लेई कुल 1 जहार 211 मेदवार चुनांऽ मैदान च रेई गे न।
3. जीएसटी नै जंदे अक्टूबर महीने 1 लख 87 जहार करोड़ रुपें दा रिकार्ड दुआ सब्बनं शा मता राजस्व कठेरेया ऐ।
4. सरकारै बड़ी मती प्रतिश्टा आहले राष्ट्री युवा पुरस्कारें 2022-23 लेई आवेदन मंगे न।
5. दुनिया भरै च बसे दे गुजराती समुदाय दे लोक अज्ज नमां ब'रा मना करदे न।
6. ते बैडमिंटन च भारत दी मालविका बंसोड़ ते आयुष शेटी जर्मनी दे सारब्रुकन च खेड़दे जा करदे हाइलो ओपन बैडमिंटन टूर्नामेंट दे सेमीफाइनल च पुज्जी गे न।

दशदशदशदशदशदशदश

टंपीदंअ छमू कमसीपैजंजपवद

रेल मंत्री अश्विनी वैष्णव होरें कल संझां नमीं दिल्ली रेलवे स्टेशन दा दौरा कीता जिथे उनें ध्यारें पर जात्तरिएं लेई कीती गेदी विशेष सुविधाएं ते बवस्थाएं दी समीक्षा कीती। रेल मंत्री होरें स्टेशन पर रेलगडिडयें लेई बलगै करदे जात्तरिएं कन्नै बी गल्लबात कीती। उनें रेलवे सुरक्षा बल ते रेल अधिकारियें आसेआ यात्रियें दी सुविधाएं लेई कीती गेदी बवस्थाएं पर संदोख जाहर कीता। पत्रकारें कन्नै गल्लबात च श्री वैष्णव होरें व्यापक बवस्थाएं लेई अधिकारियें दी सराहना कीती। एहदे कन्नै गै उनें रेलवे स्टेशन पर बवस्था बनाई रक्खने च सैहयोग देने लेई यात्रियें दी बी सराहना कीती। श्री वैष्णव होरें दस्सेया जे पिच्छले ब'रे रेलवे नै देआली ते छठ दे मौके उप्पर चार हजार पांच सौ विशेष रेलगडिडयां चलाईयां हिआं जदके, इस ब'रे 7 हजार 435 विशेष रेलगडिडयां चलाईयां जा करदियां न। रेल मंत्री होरें आखेआ जे 31 अक्टूबर तगर इनें रेल गडिडयें राहें यात्रा करने आहलें दी गिनतरी 51 लख होई गई ऐ।

दशदशदशदशदशदशदश

श्रीतींदक बंदकपकंजमे

झारखंड विधानसभा चुनाएं दे दुए चरण लेई कल नांऽ वापस लेने दे बाद हून चुनांऽ मैदान च कुल 1 हजार 211 उम्मीदवार रेई गे न। 81एं सदस्यें आहली विधानसभा लेई मतदान द'ऊं चरणें च होग। पैहले चरण दा मतदान 13 नवंबर गी 43 निर्वाचन हलकें च होग। इस चरण लेई 683 मेदवार चुनां मैदान च न जदके कल नांऽ वापस लैने परैन्त दुए चरण लेई 528 मेदवार चुनां मैदान च रेई गे न। दुए चरण च औंदी 20 नवंबर गी 38 निर्वाचन हलकें च वोट पाए जाडन। वोटें दी गिनतरी दा कम्म 23 नवम्बर गी तोड चाढेया जाह्ग।

दशदशदशदशदशदशदश

ढैज ब्वससमबजपवद

जी.एस.टी. दा राजस्व संग्रह अक्टूबर महीने च 9 फीसद बधिये 1 लख 87 हजार करोड़ रुपें शा मता होई गेआ ऐ। जी.एस.टी. दे राजस्व संग्रह च एह दुआ रिकार्ड सब्बनं शा मता बाददा ऐ। घरेलू बिक्री ते बेहतर अनुपालन करी एह बाददा दर्ज कीता गेआ ऐ। अक्टूबर महीने च केन्द्री जी.एस.टी. दे रूप च 33 हजार 821 करोड़ रुपे, राज्य जी.एस.टी. दे रूप च 41 हजार 864 करोड़ रुपे ते संगठित जी.एस.टी. 99 हजार 1 सौ 11 करोड़ रुपे ते उपकर 12 हजार 550 करोड़ रुपे किट्टे होए। कुल सकल जी.एस.टी. राजस्व संग्रह 8 इशारिया 9 फीसद थमां बधिये इक लख 87 जहार 346 करोड़ रुपे होई गेआ। पिच्छले ब'रे इस्सै महीने जी. एस.टी. संग्रह 1 लख 72 हजार करोड़ रुपे हा। इस ब'रे अप्रैल च 2 लख 10 हजार करोड़ रुपे किट्टे होए हे। रिकार्ड जी.एस.टी संग्रह मजबूत भारती अर्थबवस्था गी दर्शादा ऐ। माहिरें दा मन्नना ऐ जे जी.एस.टी संग्रह च बाददा त्योंहारी रूतै च बिक्री ते बेहतर अनुपालन करी होआ ऐ।

दशदशदशदशदशदशदश

डंदकअपल ल्वनजी तूतके

युवा मामलें ते खेड्डें सरबंधी मैहकमे दे केन्द्री मंत्री डॉक्टर मनसुख मांडविया होरें युवाएं गी बडी मती प्रतिष्ठा आहले राष्ट्री युवा पुरस्कार 2022-23 लेई आवेदन करने दी गुजारिश कीती ऐ। एह पुरस्कार 15 थमां 29एं बरें दी बरेसू दे लोकें ते संगठनें गी विकास ते समाज सेवा लेई बख-बख खेत्तरें च शानदार कम्में ते जोगदान लेई दित्ते जंदे न। इनें खेत्तरें च सेहत, मनुखी अधिकारें गी बढावा देना ते समुदायिक सेवा शामिल न। पुरस्कार दे तौर पर माहनुयै गी तगमा, प्रमाण-पत्र ते इक लख रपे नकद ते संगठन गी पुरस्कार दे तौर पर 3 लख रपे नगद दित्ते जंदे न। इक वीडियो संदेश च डॉक्टर मांडविया होरें आखेआ जे एह पुरस्कार छडे अलकरण गै नेई हैन, सगुआं प्रगतिशील ते समावेशी भारत गी मजबूत करने च युवा नेतृत्व दा सम्मान बी हैन। 2022-23 दे राष्ट्री युवा पुरस्कारें लेई आवेदन गृह मंत्रालय दे पुरस्कार पोर्टल राहें सददे गे न। आवेदन 15 नवम्बर तगर कीता जाई सकदा ऐ।

दशदशदशदशदशदशदश

ळनरतंज छमू ल्मंत

गुजराती समुदाय दे लोक दुनिया भरै च अज्ज अपना नमां बरा मना करदे न। गुजरात च नमें बरे विक्रम सम्वत दे कत्ते म्हीने दे पैहले दिन मनाया जंदा ऐ। गुजराती नमां बरा 'बेस्ट वरस' दे रूप च बी लोकप्रिय ऐ ते एह पूरे राज्य च रिवायती जोशो-खरोश कन्ने मनाया जा करदा ऐ। इस अवसर पर मंदरें च विशेष पूजा-अर्चना बी कीती जा करदी ऐ। अज्जै दे दिन गुजराती लोक अपने घरें-दकानें ते कारोबारी थाहरें दी साफ-सफाई करिये उनें गी रंगोली कन्ने सजांदे न। कारोबारी अपने कम्काज आह्लिएं थाहरें पर पूजा करदे न ते अपनी हटिएं-दकानें गी 5एं दिनें लेई बंद रखदे न। एहदे अलावा लोक इस मौके पर अपने रिश्तेदारें घर जाइयै उनें गी बी नमें बरे दिआं ममारखां दिंदे न।

दशदशदशदशदशदशदश

ळवअंतकीं द च्ववरं

उत्तर प्रदेश च गोवर्धन पूजा पूरे राज्य च मते श्रद्धाभाव कन्ने मनाई जा'रदी ऐ। वेवे तौरा पर मगुरिा वृंदावन इलाके च जित्थें भगवान श्री कृष्ण हुंदे अनुयायी बडी मती गिनतरी च पुज्जे दे न। विदेश थमां आए दे लोकें, मकामी लोकें दे कन्ने कन्ने सैलानी ते तीर्थ यात्रु बी इस मौके पर किट्टे मथुरा-वृंदावन दे बक्खा-बक्ख मंदरें च भगवान श्री कृष्ण हुंदी पूजा करारदे न ते पवित्र पहाडी गोवर्धन दी परिक्रमा बी करा करदे न। भवत, देवता गी भव्य छप्पन भोग चढा करदे न ते खाने दी इक पहाड बना करदे न।

दशदशदशदशदशदशदश

त्मअ ठंकउपदजवद भ्लसव व्वमद

भारत दी मालविका बंसोड ते आयुष शेटी जर्मनी दे सारबुकन च खेड्डे जा करदे हाइलो ओपन बैडमिंटन टूर्नामेंट दे सेमीफाइनल च पुज्जी गे न। महिलाएं दे इक्कले-इक्कले मुकाबले दे क्वार्टर फाइनल च 6में नम्बरै दी खड्डारन मालविका बंसोड नै चौथे नम्बरै दी खड्डारन वियतनाम दी गुयेन थ्यू लिन्ह गी हराया। अज्ज सेमीफाइनल च उंदा मुकाबला डेनमार्क दी जूली डावल जैकबसेन कन्ने होग। उत्थे गै, मर्दे दे इक्कले-इक्कले वर्ग दे मुकाबले च भारत दे आयुष शेटी होरें फिनलेंड दे कैले कोलजोनेन गी हराया। फाइनल च अपनी थाहर पक्की करने लेई अज्ज आयुष दा मुकाबला फ्रांस दे क्रिस्टो पोपोव कन्ने होग।

दशदशदशदशदशदशदश

पदकपं.छं

मुंबई च न्यूजीलैंड कन्ने त्रीए ते खीरी क्रिकेट टैस्ट मैच दे दुए दिल भारत अज्ज अपनी पैहली पारी च 4 विकटें पर 86 रनें दे अग्गे खेडोग। कल खेड्ड खत्म होने तोडी शुभमन गिल 31 ते ऋशभ पंत 1 रंज बनाइयै क्रिज पर हे। एहदे शा पैहले न्यूजीलैंड नै टॉस जित्तिये पैहले बल्लेबाजी करने दा फैसला लैता हा। न्यूजीलैंड दी पूरी टीम 235 रंजें पर आउट होइ गई। रविन्द्र जडेजा नै 5 ते वाषिग्टन सुंदर ने 4 विकटों लैतियां। न्यूजीलैंड त्रै टैस्ट मैचें दी श्रृंखला च 2-0 कन्ने अग्गे ऐ।

दशदशदशदशदशदशदश